



Til Menningar-, íþrótt- og tómstundarráðs

Reykjavík,
5.október 2021

Erindi: Ósk um aukinn stuðning Reykjavíkurborgar við Sumarnámskeiða

Skátar í Reykjavík hafa um árabil boðið upp á útilífsnámskeið að sumarlagi, þar sem áhersla er lögð á að bjóða börnum á aldrinum 8-12 ára upp á vettvang þar sem þau fá tækifæri til að kynna náttúrunni, þroska félagshæfni sína og verða kunnugri nærumhverfi sínu. Námskeiðunum hefur verið vel tekið af reykvískum börnum og foreldrum þeirra, en þátttaka hefur aukist jafnt og þétt síðustu árin.

Stuðningur borgarinnar fyrir 17 ára ungmenni

Undanfarin tvö ár hefur Reykjavíkurborg stutt við æskulýðsfélög með viðbótarframlagi til þess að ráða sumarstarfsmenn sem eru á 17. ári. Þessi viðbót styrkir sumarstarf skátanna gífurlega mikið þar sem við getum ráðið til okkar skáta á þessum mikilvæga aldri. Þetta eru ungmenni á fyrsta ári í menntaskóla og hjá þessum aldri eru gífurlegar breytingar í gangi í félagslífi þeirra og að geta ráðið skáta á þessum aldri í sumarstarfið hjá okkur er mikilvægt til þess að halda þessum aldri inni í starfinu hjá okkur og gefur þessum ungmennum einnig tækifæri á að vinna við öflugt og skemmtilegt sumarstarf hjá skátunum. Það er okkur mikilvægt að geta ráðið til okkar skáta sem hafa verið að starfa hjá okkur áður sem vinnuskólaliðar og þá náum við að halda samfellu í starfinu okkar og starfsreynslu skátanna okkar innan okkar raða lengur í staðinn fyrir að vinnuskólaliðarnir vinni hjá okkur eitt sumarið en þurfi síðan að finna sér sumarstarf annars staðar utan skátanna þegar viðkomandi verður 17 ára af því að borgin leggur ekki vanalega fjármagn til þess að ráða 17 ára starfsmenn á vegum Hins Húsins heldur aðeins 18-25 ára og ekki höfum við til bolmagn til þess að ráða þennan aldurshóp á okkar vegum þar sem hagnaður af rekstri sumarnámskeiða er ekki mikill.

Síðustu tvö ár hefur verið sett viðbótarframlag í fyrir þennan aldurshóp og erum við þakklát fyrir það framlag og skorum hér með á borgina til þess að tryggja að sett verði jafn mikið fé í verkefnið og sett til viðbótar á síðustu tveimur árum en það verði þá fast framlag í þetta verkefni á hverju ári hér eftir.

Með skátakveðju,

Jón Andri Helgason
Verkefnastjóri Skáttasambands Reykjavíkur